

Die vier vnd zwanzigste Predigt.

Von den Eigenschafften der Gewissens-geis-
selung/seiner Zeit vnd Ort/ worinn vnd wo
sie geschehe.

Exordium
ex Prov. 22
ubi Rex sa-
pientissi-
mus

Galat. 6.
Sumtã me-
taphorã à
semente &
messe.

Hiob. 15.
Docet.
quod qui
scientes
malè & im-
piè agunt.

Eliebte in Christo : Wer Vnrecht säet/
wird Mühe erndten / vnd wird durch die Kuthe sei-
ner Bosheit vmbkommen / spricht der weise König
Salomo / Prov. 22. An welchem Ort er metaphorischer
vnd gleichnußweise durch das säen verstehet / was der
Mensch in seinem Leben anstellet / vornimt / thut vnd aufrichtet / massen
denn dieses Wort auch anderswo in heiliger Schrift also gebraucht
wird / sonderlich in der Epistel Galat. 6. da der Apostel sagt : Was der
Mensch säet / das wird er erndten / wer auff's Fleisch säet / der
wird vom Fleisch das verderben erndten / wer aber auff den
Geist säet / wird vom Geist das ewige Leben erndten : vnd
heisset also vnrecht säen so viel / als Gottes Rechte / Wort vnd Gebott
wissentlich hindan setzen vnd verachten / vnd hingegen in allerley Bosheit
vnd Vngerechtigkeit leben / oder dem Säemann gleich werden / der Vn-
kraut außstrewet vnd außsäet.

Ja / nicht redet er in gemein von allen denen / bey welchen
sich die *avopia*, das Vnkraut auff einigerley weise findet / das ist/
die da sündigen / vnd mit Worten / Wercken vnd Gedancken vnrecht
thun / denn solcher gestalt kein Mensch außgenommen / sintemal sie alle-
samt auß der angebornen verderbten Art / oder vielmehr Vnart / das
vnrecht sauffen wie Wasser / Hiob. 15. In der *avopia* vnd vnrech-
tem werden sie empfangen vnd geboren / die reget sich ohne vnterlaß in
ihren Herzen / in Affecten vnd Begierden / bricht auch vielfältig in Wor-
ten / Geberden vnd Thaten auß : sondern eigentlich allein von
solchen Leuten / die vorsetzlich vnd mit wissen von der Regul
der Gerechtigkeit abweichen / vnd wider die erste oder andere Tafel

des